

Reglament d'indemnisaziun per survetschs da baselgia

PLEIV SUMVITG

Reglament d'indemnisaziun per survetschs da baselgia

(tenor l'ordinaziun dalla Baselgia catolica dil cantun Grischun)

Art. 1 Validitad

Quest reglament normescha l'indemnisaziun per survetschs ellas baselgias ed en tut las capluttas sil territori dalla pleiv Sumvitg.

Art. 2 Intent

Da principi vegnan tuts survetschs da baselgia exequi entras il plevon en uffeci. Semuossa il cass ch'igl ei buca pusseivel ad el d'exequir in survetsch, astga in plevon gidonter segidar.

Art. 3 Cumpetenzas

Il plevon ensemen cun il secretariat fan il plan pils survetschs da baselgia. Suenter consultaziun e sclariment entras il plevon en uffeci sa in plevon gidonter vegnir engaschaus.

Art. 4 Indemnisaziuns a plevons gidonters

Ils plevons gidonters vegnan indemnisai tenor l'ordinaziun dalla Baseligia catolica dil cantun Grischun e digl uestgiu sco suonda:

1. Messas cun priedi
Survetschs divins dil plaid cun priedi
Nozzas
Sepulturas frs. 200;

- Messas supplementaras cul medem priedi frs. 120;
2. Messas da luverdis frs. 100;
3. Battens frs. 100.

Las spensas da viadi vegnan indemnisadas tenor la reglamentaziun cantunala vertenta.

Art. 5 Cass specials

Persunas dalla pleiv Sumvitg che han specials giavischs (sco per exempel plevon preferiu) han da pagar las indemnisaziuns tenor art. 4 sco era ina indemnisaziun da frs. 50 tier nozzas e da frs. 20 tiers battens al caluster.

Tier tals giavischs indichescha il secretariat las indemnisaziuns ch'ei da pagar alla administratura.

Art. 6 Indemnisaziuns per personas che pagan buca taglia en pleiv

Persunas che pagan buca taglia en pleiv pagan las suandontas indemnisaziuns: (Exepiu ein personas naschidas e carschidas si ella pleiv sco era conjugals da letgs mischedadas che vivan en pleiv.)

Battens frs. 170;

(frs. 100 per il plevon, frs. 40 per diever dalla baselgia, frs. 30 pil caluster)

Nozzas frs. 350;

(frs. 200 per il plevon, frs. 80 per diever dalla baselgia, frs. 70 pil caluster)

Sepulturas frs. 560;

(frs. 200 per plevon, frs. 150 per diever dalla baselgia e dalla caplutta da morts, frs. 50 per la persuna che retscheiva la bara, frs. 80 pil caluster e frs. 80 pigl organist)

Satrar urna senza survetsch divin frs. 150;

(frs. 100 per plevon, frs. 50 pil caluster)

Diever dalla caplutta da morts per mortoris d'ordeifer la pleiv frs. 150.

Igl administratur dalla pleiv incassescha l'indemnisaziun ed ein responsabels per la repartiziun als pertuccai.

Art. 7 Sepulturas da personas ch'ein extradadas dalla baselgia

Per personas ch'ein extradadas dalla baselgia e per las qualas la parentella giavischa ina sepultura vala la suandonta indemnisaziun:

Sepultura per extrai dalla baselgia frs. 900.

(frs. 200 per il plevon, frs. 500 per diever dalla baselgia e caplutta da morts, frs. 100 per caluster, frs. 80 per la persuna che retscheiva la bara e frs. 20 per ils ministrants)

Igl administratur incassescha e repartan las indemnisaziuns als pertuccai.

Art. 8 Stipendis

Per ina messa fundada vegn incassau ils suandonts stipendis:

Messa fundada cun publicaziun frs. 20,

Messa fundada senza publicaziun frs. 10.

Ina messa fundada per ina ni pliras personas che vegn legida 25 onns cuosta frs 500.

Art. 9 Survetschs divins en casa sogn Giusep

Per survetschs divins dalla fin d'jamna en casa sogn Giusep vegnan plevons gidonters indemnissai cun **frs. 100.**

La casa sogn Giusep surpren 2/3 da quella indemnisaziun e la pleiv Sumvitg 1/3. Il rendaquen e la repartiziun da quella indemnisaziun succeda tras igl administratur.

Per survetschs divins en casa sogn Giusep entras il plevon en uffeci paga la casa sogn Giusep negina indemnisaziun. Quei survetsch ei cumprius el pensum da lavur dil plevon en uffeci.

Art. 10 Cass dispiteivels

En cass dispiteivels decidan la suprastanza da pleiv las indemnisaziuns.

Art. 11 Entrada en vigor

Quest reglament d'indemnisaziun per survetschs da baselgia vegn approbaus dalla suprastanza da pleiv e passa en vigor retroactiv cun ils 01-01-2017.

Per la pleiv Sumvitg

Il president

Igl actuar

Walter Deplazes

Armin Candinas